

ბაფის 27 -ე საერთო კრების დელეგატებს

სარევიზიო კომისიის ანგარიში ბაფის 2022 წლის საქმიანობის შესახებ

პატივცემულო დელეგატებო, მოწვეულო სტუმრებო გაგაცნობთ საქართველოს პროფესიონალ ბუღალტერთა და აუდიტორთა ფედერაციის საქმიანობის შემოწმების ანგარიშს, რომელიც ჩატარდა სარევიზიო კომისიის მიერ (მარიამ ჭურძე, ხათუნა ბარბაქაძე, მარიამ ბიწაძე) და მოიცავს 2021 წლის 10 დეკემბრიდან 2022 წლის 10 დეკემბრის პერიოდს.

როგორც სარევიზიო კომისიის დებულებით არის გათვალისწინებული, კომისია ვალდებულია გეგმური შემოწმების საფუძველზე შეისწავლოს გარკვეული საკითხები და კრებას წარუდგინოს შესწავლის შედეგები:

კერძოდ:

- ნორმატიული დოკუმენტების მოთხოვნები და გამგეობის საქმიანობა;
- კომიტეტების მიერ საანგარიშო პერიოდში გაწეული საქმიანობა;
- ბუღალტერთა საერთაშორისო ფედერაციის წევრებისადმი მოთხოვნების შესრულება;
- აღმასრულებელი სტრუქტურა და შიდა კონტროლის სისტემის შეფასება;
- შემოსავლებისა და ხარჯების სამართლიანობა და დაგეგმილ ბიუჯეტთან შესაბამისობა.

შემოწმებამ საშუალება მოგვცა გაგვეკეთებინა ბაფ-ის საქმიანობის ანალიზი და მოგვეხდინა მისი შეფასება. წარმოგიდგენთ ჩატარებული რევიზიის შედეგების მიმოხილვას:

1. ნორმატიული დოკუმენტების მოთხოვნების დაცვა და გამგეობის საქმიანობა

ბაფი, წესდების შესაბამისად, საქმიანობას ახორციელებს გამგეობის, აღმასრულებელი დირექტორისა და კომიტეტების მიერ შემუშავებული და დამტკიცებული შიდა პოლიტიკის და მენეჯერული პროცედურების საფუძველზე.

გამგეობის საქმიანობა-. საანგარიშო პერიოდში, საოქმო ჩანაწერების მიხედვით, ჩატარებულია გამგეობის 10 სხდომა. სხდომებზე განხილული თემებიდან გამოვყოფთ:

- ბაფის მმართველობის მდგრადი განვითარების საკითხები-CAPA სახელმძღვანელოს „სიმწიფის მოდელი მოქმედებაში-მმართველობა“ მიხედვით;
- ბაფის კორპორატიული და ნამდვილი წევრების (ფიზიკური პირების) საწევრო და შენატანების და მომსახურების ტარიფების ცვლილება;
- ჟურნალი „ბუღალტრული აღრიცხვა ანგარიშგების“ განვითარებისა და მთავარი რედაქტორის კანდიდატურებზე მსჯელობა;
- პროფესიული ორგანიზაციების შეხვედრა და ანგარიშის წარდგენა ბუღალტრული აღრიცხვის ანგარიშგებისა და აუდიტის ზედამხედველობის სამსახურის საბჭოში.
- ბაფის 2021 წლის საქმიანობის აუდიტის ჩატარების მიზნით უდიტორული ფირმის შერჩევა დამტკიცება.

- ბაფის წესდებაში ცვლილებების პროექტის შემუშავება და მისი გამოქვეყნება ვებგვერდზე ფართო განხილვებისა და მსჯელობის მიზნით.
- ბაფის მონაწილეობა ბუღალტერთა მსოფლიო კონგრესზე;
- საარჩევნო კრებისთვის საკითხების განხილვა და მომზადება;
- ბაფის 2022-2024 წწ სამოქმედო გეგმის (IFAC-ში წარსადგენი) პროექტის შემუშავება და განხილვა;
- ბაფის გამგეობის ცალკეული წევრების მიერ დასმულ საკითხების (ნარსიას თემა) განხილვა.

განსაკუთრებით მნიშვნელოვანი და საყურადღებოა მიმდინარე პერიოდისთვის ბაფის მმართველობის ახალ ეტაპზე გადასვლა რაც გულისმობს მდგრად განვითარებას. ბაფის მიერ არჩეული სტრატეგია ამ მიზნით ეფუძნება CAPA სახელმძღვანელოს „სიმწიფის მოდელი მოქმედებაში-მმართველობა“ მიხედვით. ამ სახელმძღვანელოს მიხედვით განვითარდა რიგი ქვეყნების პროფესიული ორგანიზაციების მმართველობა, რასაც მხარი დაუჭირა IFAC-ის საბჭომ.

ბაფის მიერ ჩატარებული სხდომის ოქმებიდან ირკვევა, რომ საწევრო და მომსახურების ტარიფების გადახედვა/მატება გამოიწვია ქვეყანაში მიმდინარე მაკრო და მიკრო ეკონომიკურმა პროცესებმა, რაც თავისთავად აისახა ორგანიზაციის ბიუჯეტზე, ვინაიდან ბაფი არის წევრობაზე დაფუძნებული ორგანიზაცია, ამიტომ მის ძირითად შემოსავლის წყაროს წარმოადგენს საწევრო შენატანები და მომსახურებით მიღებული შემოსავლები.

ბაფის მიერ შემუშავებული წესდების ცვლილებების პროექტი, რომელიც საჯარო განხილვის მიზნით გამოტანილია ბაფის ვებგვერდზე ხაზს უსვამს ორგანიზაციის დემოკრატიულ განვითარებას და არსებით მნიშვნელობას ანიჭებს თითოეული წევრის ჩართულობას ორგანიზაციისთვის მნიშვნელოვანი დოკუმენტის შემუშავებაში.

მნიშვნელოვანია ბაფის 2022-2024 წწ სამოქმედო გეგმა (IFAC-ში წარსადგენი)

ტანია მუსუმპი IFAC- ში ბაფის კურატორი სთავაზობს, რომ სამოქმედო გეგმის განახლების უმეტესი ნაწილი ფოკუსირებული იყოს SMO 2, SMO 4 და SMO 6-ზე, რომლებსაც 2019 წლის შეფასებაში უფრო დაბალი შესრულების რეიტინგები ჰქონდა. სხვა SMO სფეროებში, GFPAA სავარაუდოდ განახორციელებს იგივე საქმიანობას. ამის საფუძველზე სამოქმედო გეგმის განახლების პროცესი გახდება შედარებით მარტივი და ფოკუსირებული იმ სფეროებზე, რომლებიც საჭიროებდა გაუმჯობესებას.

სამოქმედო გეგმის საგანი: SMO 1 – ხარისხის უზრუნველყოფა

სამოქმედო გეგმის მიზანი: ბაფის ხარისხის უზრუნველყოფის მიმოხილვის სისტემის შემუშავება და შენარჩუნება

სამოქმედო გეგმის საგანი: SMO 2 - პროფესიონალ ბუღალტერთა განათლების საერთაშორისო სტანდარტები და IAESB-ის მიერ გამოცემული სხვა პუბლიკაციები

სამოქმედო გეგმის მიზანი: ბაფის საგანმანათლებლო სისტემის შემდგომი შემუშავება და შენარჩუნება

სამოქმედო გეგმის საგანი: SMO 3 - IAASB-ის მიერ გამოცემული საერთაშორისო სტანდარტები და სხვა პუბლიკაციები

სამოქმედო გეგმის მიზანი: შემდგომი გაუმჯობესებისა და შენარჩუნების პროცესები IAASB-ის პუბლიკაციებთან მუდმივ თანხვედრისთვის

სამოქმედო გეგმის საგანი: SMO 4 - IESBA ეთიკის კოდექსი პროფესიონალი ბუღალტრებისთვის

სამოქმედო გეგმის მიზანი: შემდგომი გაუმჯობესებისა და შენარჩუნების პროცესები IESBA ეთიკის კოდექსთან თანხვედრის უზრუნველსაყოფად

სამოქმედო გეგმის საგანი: SMO 5 - IPSASB-ის მიერ გამოცემული საჯარო სექტორის ბუღალტრული აღრიცხვის საერთაშორისო სტანდარტები და სხვა პუბლიკაციები

სამოქმედო გეგმის მიზანი: შემდგომი გაუმჯობესებისა და შენარჩუნების პროცესები IPSAS-ებთან მუდმივი თანხვედრისთვის

სამოქმედო გეგმის საგანი: SMO 6 - მოკვლევა და დისციპლინა

სამოქმედო გეგმის მიზანი: ბაფის მოკვლევისა და დისციპლინური სისტემის შემუშავება და შენარჩუნება

სამოქმედო გეგმის საგანი: SMO 7 – IASB-ის მიერ გამოცემული ფინანსური ანგარიშგების საერთაშორისო სტანდარტები და სხვა პუბლიკაციები

სამოქმედო გეგმის მიზანი: შემდგომი გაუმჯობესებისა და შენარჩუნების პროცესების მიღებისა და დანერგვისთვის

სამოქმედო გეგმის საგანი: ბაფის სხვა საქმიანობები

სამოქმედო გეგმის მიზანი: ბაფის, როგორც წამყვანი პროფესიული ორგანიზაციის, პოზიციის გაძლიერება ქვეყნის შიგნით და საერთაშორისო მასშტაბით.

შეფასება: სარევიზიო კომისია, საანგარიშო პერიოდში გამგეობის საქმიანობას დადებითად აფასებს.

2. კომიტეტების მიერ საანგარიშო პერიოდში გაწეული საქმიანობა

კომიტეტების საქმიანობის ზოგად პრინციპებს განსაზღვრავს „კომიტეტების საქმიანობის შესახებ“ დებულება, ხოლო ცალკეული კომიტეტისათვის გამგეობის მიერ დამტკიცებულია დებულებები, რომლებშიც გაწერილია მათი საქმიანობის ძირითადი მიმართულებები და უფლება-მოვალეობები.

➤ განათლების კომიტეტი: -

განათლების კომიტეტი არის სასერტიფიკაციო პროგრამის დაგანგრძობითი განათლების პოლიტიკის განმსაზღვრელი, სათანადო რეგულაციების შემქმნელი და მონიტორინგის განმახორციელებელი ორგანო.

აღნიშნული ცვლილებების საფუძველზე, კომიტეტთან ფუნქციონირებს:

- ა) განგრძობითი განათლების სამეთვალყურეო საბჭო;
- ბ) სასერტიფიკაციო გამოცდების სამეთვალყურეო საბჭო;
- გ) სასერტიფიკაციო პროგრამის სამეთვალყურეო საბჭო.
- დ) მუდმივმოქმედი საგამოცდო კომისია;

კომიტეტის მიერ შესამოწმებელ პერიოდში ჩტარებულია 8 სხდომა.

სხდომებზე ყურადღება გამახვილდა შემდეგ საკითხებზე:

- ბაფის სერტიფიცირებულ ბუღალტერთა და აუდიტორთა რეესტრში რეგისტრირებული პირების 2021 წლის განგრძობითი სწავლების პროგრამის შესრულების საერთო შედეგები და განგრძობითი სწავლების ჩათვლის საკითხებზე;
- სერტიფიცირების პრეტენდენტებისათვის ცალკეულ საგამოცდო მოდულში ჩათვლების მინიჭების საკითხებზე;

• **2022** წლის სესიის სასერტიფიკაციო (ACCA-ის ქართულ ენაზე ადაპტირებული) პროგრამის გამოცდების შედეგებზე;

• ACCA-ის სერტიფიცირების პროგრამის მონაწილეთა განაცხადების განხილვას, მათი ACCA-ის სასწავლო პროგრამით მთავარი ბუღალტრის სერტიფიცირების ნაწილში სერტიფიცირებულად აღიარების შესახებ;

• 2022 წლის განგრძობითო სწავლების პროგრამის შედგენას და განხილვაზე;

განათლების კომიტეტის საქმიანობა შესაბამისობაშია დამტკიცებულ მარეგულირებელ დოკუმენტებთან, რომელიც მოიცავს შემდეგმ მიმართულებებს: გადამზადების, პროფესიული სერტიფიცირების და უწყვეტი განგრძობითი განათლების პოლიტიკის და პროცედურების განსაზღვრას. მათ შესრულებაზე ზედამხედველობას.

შეფასება: სარევიზიო კომისიის მიერ განათლების კომიტეტის საქმიანობა დადებითად შეფასდა.

➤ **საწევრო კომიტეტი:**

შემოწმების პერიოდში შესწავლილი იქნა მოქმედი დებულებების მოთხოვნებისა და კომიტეტის სამოქმედო გეგმით გათვალისწინებული საქმიანობის განხორციელების ფაქტიური მდგომარეობა, კერძოდ:

წევრებთან ურთიერთობის მარეგულირებელი დოკუმენტები (წესდება, საწევრო კომიტეტის დებულება, ბაფის წევრად მიღების, წევრობის შეჩერებისა და შეწყვეტის წესები);

კომიტეტის 2022 წლის სამოქმედო გეგმა და მასში გათვალისწინებული ღონისძიებების შესრულება;

საანგარიშო პერიოდში ჩატარებულია კომიტეტის 5 სხდომა. სხდომებზე განხილული ძირითადი საკითხებია:

2022 წლის სამოქმედო გეგმის დამტკიცება;

ბაფის წევრებისათვის კორპორატიულ წევრებთან თანამშრომლობის გააქტიურების აუცილებლობის, წევრობიდან გარიცხვის კანდიდატების საკითხის განხილვა;

ასოცირებული და ნამდვილი წევრებისათვის თემატური სემინარების დაგეგმვა და განათლების კომიტეტთან და აღმასრულებელ დირექციასთან შეთანხმება;

ბაფიდან გარიცხვისა და რეესტრიდან ამოღების კანდიდატი ფიზიკური პირი წევრების საკითხის განხილვა;

საანგარიშო პერიოდში საწევრო ვალდებულებების შესრულებასთან დაკავშირებული ინფორმაციის მომზადება და წარდგენა ფინანსური ანგარიშგების მოსამზადებლად.

საანგარიშო პერიოდში, კორპორაციული საწევრო შემოსავლებისა და მასთან დაკავშირებული ხარჯების ანალიზი, ასევე ქვეყნის აუდიტის ბაზარზე და ზოგადად, ეკონომიკაში მიმდინარე პროცესები, კერძოდ: წევრებთან მომსახურებასთან დაკავშირებული ხარჯების (ბსფ-ში საწევრო გადასახდელი; ხარისხის მეთოდოლოგიური სახელმძღვანელო მასალების, აუდიტის პროგრამის თარგმნა, სხვა საქმიანობა). ბაფ-ში საწევრო გადასახდელი 2000-დან 5000 აშშ დოლარამდე გაიზარდა;

გაიზარდა წევრი მცირე აუდიტური კომპანიების დიაგნოსტიკური ანგარიშის მომზადებაზე მოთხოვნა რაც გარკვეულ (1 დიაგნოსტიკური შემოწმება 700-დან 1500 ლარამდე) ხარჯებს საჭიროებს. მართალია, მცირე აუდიტური კომპანიების პროფესიული მხარდაჭერის ღონისძიებები პროექტით წარმოდგენილ (1000 ლარი) საწევრო გადასახდელზე მეტია, მაგრამ კომპანიების დაბალი გადახდისუნარიანობისა და მათი მხარდაჭერის საჭიროების გათვალისწინებით, ბაფის, გაცხადებული მიზნებიდან გამომდინარე, უფლება არა აქვს უარი თქვას ასეთი კომპანიების წევრობაზე/მომსახურებაზე.

მოქმედი კორპორაციული საწევროს ტარიფები

მიმდინარე ეტაპზე მოქმედი კორპორაციული წევრობის გადასახდელი (გასული წლის წლიური მთლიანი შემოსავლებიდან გამომდინარე):

წლიური მთლიანი შემოსავალი

საწევრო შენატანი (ლარი)

1 მლნ. ლარის ჩათვლით	1,000
1-5 მლნ. ლარის ჩათვლით	3,000
5 მლნ. ლარზე მეტი	5,000

პროექტით გათვალისწინებული კორპორაციული საწევრო გადასახდელი 2023 წლიდან:

500,000 ლარამდე შემოსავალზე– 1000 ლარი (ფიქსირებული ტარიფი) ყველა კომპანიისათვის, შემოსავლების მიუხედავად;

500,000 ლარის ზემოთ, 1,000 ლარს დამატებული 500 ათას ლარზე მეტი თანხის 0.15%, მაგრამ არაუმეტეს 12,000 ლარისა.

შეფასება: კომისიის მიერ შესწავლილი მასალების საფუძველზე კომიტეტის საქმიანობა დადებითად შეფასდა.

➤ **აუდიტის ხარისხის კომიტეტი :**

დებულების მიხედვით კომიტეტის ძირითად ფუნქციას შეადგენს წევრ კომპანიაში ხარისხის კონტროლის სისტემის წინასწარი მონიტორინგი (დიაგნოსტიკის ანგარიში) და კორპორაციული წევრებისთვის ხარისხის კონტროლის სისტემის სრულყოფასთან დაკავშირებულ საკითხებში მხარდაჭერა, კონსულტაციები, სემინარები, აუდიტის პროგრამის შერჩევა, აუდიტის მეთოდოლოგია და სხვა. ბაფი ხარისხის სისტემის წინასწარ მონიტორინგს განახორციელებს მხოლოდ იმ წევრ კომპანიებში, რომლებიც ამის სურვილს გამოხატავენ.

საანგარიშო პერიოდში ჩატარდა კომიტეტის 3 სხდომა. სხდომაზე განხილული იქნა შემდეგი საკითხები:

- ხსკმ 1-ის (ISQM 1) ტრენინგის დაგეგმვა
- აუდიტის ხარისხის კომიტეტის და სარასის ეფექტური თანამშრომლობა ხსკმ 1-ის სტატუსი წევრ კომპანიებში
- ხსკმ 1-ის სტატუსი წევრ კომპანიებში
- საქართველოს პროფესიონალ ბუღალტერთა და აუდიტორთა ფედერაციის კორპორაციული წევრების აუდიტის ხარისხის ამაღლებაზე მომართული ღონისძიებების დაგეგმვა.

შესამოწმებელ პერიოდში ხარისხის კონტროლის წინასწარი მონიტორინგი ჩატარდა და დიაგნოსტიკური ანგარიში გაიცა 2 კორპორატიულ წევრზე და დიაგნოსტიკური შემოწმება მიმდინარეობს 2 წევრ კომპანიაში, რომელიც საანგარიშო პერიოდის ბოლომდე დასრულდება.

შეფასება: სარევიზიო კომისიამ შეისწავლა კომიტეტის მარეგულირებელი დოკუმენტები, შესამოწმებელ პერიოდში კომიტეტის მიერ განხორციელებული საქმიანობა, რის საფუძველზეც კომიტეტის საქმიანობა დადებითად შეფასდა.

➤ **ეთიკისა და დისციპლინარული კომიტეტი**

„კომიტეტის“ მისია ხელიშეუწყოს ეთიკის კოდექსით გათვალისწინებული მოთხოვნების უზრუნველყოფა - ეთიკური და პროფესიული ქცევის ნორმების დამკვიდრებას „ბაფის“

წევრი ბუღალტრების მიერ თავიანთი პროფესიული მოვალეობის ღირსეულად შესასრულებლად.

კომიტეტის მიერ ჩატარებულია ორი სხდომა.

სხდომებზე დღის წესრიგით განსაზღვრული საკითხები: ბაფის კორპორატიულ და ფიზიკურ პირი წევრების მიერ ეთიკის კოდექსისა და ხარისხის კონტროლის სისტემის შესაძლო დარღვევის ფაქტების შესახებ შემოსული საჩივრების განხილვა. საანგარიშგებო წელს კომიტეტში შემოსულია 2 წერილი (მ. შ. ერთი 2022 წლის დეკემბერში), რომლებზეც კომიტეტის თავმჯდომარის განმარტებით, გადაწყვეტილებები მიღებული არ არის და უახლოეს პერიოდში იქნება განხილული.

კომისიის რეკომენდაცია: სარევიზიო კომისია მიიჩნევს, რომ თემის აქტუალობიდან გამომდინარე, მიზანშეწონილია წევრების მეტი ინფორმირება, ეთიკის კოდექსისა და ხარისხის კონტროლის სისტემის დარღვევებთან დაკავშირებით, არსებული კანონმდებლობითა და ბაფის შიდა ნორმატიულ ბაზით დადგენილ მოთხოვნებსა და დისციპლინარულ ღონისძიებებზე.

შეფასება: შესწავლილი მასალების საფუძველზე, კომიტეტის საანგარიშო პერიოდის საქმიანობა დამაკმაყოფილებლად შეფასდა.

➤ საგადასახადო დაბეგვრის კომიტეტი

2021-2022 წლებში სამოქმედო გეგმით გათვალისწინებული აქტივობების ფარგლებში, საქმიანობა განხორციელებულია შემდეგი მიმართულებით:

1. განგრძობითი სწავლების გადასახადებთან დაკავშირებული პროგრამის მომზადებაში მონაწილეობა;
2. სატელეფონო ზარებისა და ადგილზე კონსულტირებისას გამოვლენილ აქტუალურ საკითხებზე კომიტეტის მიერ პასუხის მომზადება და გამოქვეყნება.
3. წერილობით შემოსულ კითხვებზე, ბაფის კონსულტანტის მიერ მომზადებული პასუხების პროექტის განხილვა და საბოლოო პასუხის მომზადება მისი ჟურნალში გამოქვეყნებამდე ან კითხვის ავტორთან გაგზავნამდე.
4. ევროკავშირის ქვეყნების საგადასახადო დაბეგვრის გაიდლაინების მომზადებაზე მსჯელობა.
5. საგადასახადო კანონმდებლობასთან დაკავშირებული კანონპროექტების საკომიტეტო განხილვებში მონაწილეობა პარლამენტის საკომიტეტო სხდომაზე.

გარდა ზემოაღნიშნული საქმიანობისა, კომიტეტის თავმჯდომარის (დავით პაპიაშვილი) უშუალო მონაწილეობით, საანგარიშო წელს, ბაფის წევრებისათვის ჩატარებულია 3 სემინარი (12 საათი) – 2020-2021 წელს საგადასახადო დაბეგვრის სფეროს სიახლეებთან და ცვლილებებთან დაკავშირებით, აგრეთვე, შეხვედრებზე წევრების მხრიდან წამოსულ აქტუალურ საკითხებთან დაკავშირებით.

საგადასახადო კომიტეტს, საანგარიშო პერიოდში, შესრულებული აქვს სამოქმედო გეგმით გათვალისწინებული აქტივობები და მასზე დაკისრებული ფუნქციები, თუმცა არ ხდება ჩატარებული ღონისძიებების დაოქმება.

შეფასება: კომისიის მიერ შესწავლილი მასალების საფუძველზე კომიტეტის საქმიანობა დადებითად შეფასდა.

3. აღმასრულებელი სტრუქტურა და შიდა კონტროლის სისტემის შეფასება

ბაფის მიმდინარე საქმიანობის მართვას ახორციელებს აღმასრულებელი სტრუქტურა. იგი უზრუნველყოფს ორგანიზაციისა და კომიტეტების საქმიანობას და ასრულებს გამგეობის მიერ მიღებულ გადაწყვეტილებებს. აღმასრულებელი სტრუქტურა ხელმძღვანელობს გამგეობისა და აღმასრულებელი დირექტორის მიერ დამტკიცებული შიდა ნორმატიული აქტებით. კერძოდ, გაწერილი და დამტკიცებულია "მენეჯერული პროცედურები"; თანამშრომელთა საქმიანობა რეგულირდება აღმასრულებელი დირექტორის მიერ დამტკიცებული შიდაგანაწესითა და ბაფის „თანამშრომელთა თანამდებობრივი ინსტრუქციით“. ინსტრუქციაში გაწერილია თითოეული თანამშრომლის უფლება-მოვალეობები, ორგანიზაციის ადმინისტრაციის წევრების ვალდებულებები ჩამოყალიბებული და გამიჯნულია. თანამშრომელთა ვალდებულებების შესრულება კონტროლდება ოფისის მენეჯერისა და აღმასრულებელი დირექტორის მიერ.

თანამშრომლებთან გაფორმებული შრომითი ხელშეკრულებები შესაბამისობაშია საქართველოს შრომის კოდექსთან. არსებობს კანონმდებლობით განსაზღვრული შრომის უსაფრთხოების შიდა ნორმატიული ბაზა, შრომის უსაფრთხოების თანამშრომელი და დაცულია შრომის უსაფრთხოების მოქმედი ნორმები.

წევრებისა და ბაფის საქმიანობით დაინტერესებული პირებისათვის ინფორმაციის მიწოდება უზრუნველყოფილია ბაფის ვებგვერდისა და ყოველთვიური ჟურნალის მეშვეობით, სადაც ქვეყნდება ბაფის ნორმატიული აქტები, ბიუჯეტი და ფინანსური ანგარიშგებები.

შეფასება: სარევიზიო კომისიას მიგვაჩნია, რომ აღმასრულებელი სტრუქტურის მიერ ორგანიზაციის მართვის სფერო და შიდა კონტროლის სისტემა გამართულია და დადებითად ვაფასებთ.

4. ბიუჯეტი და ფინანსური ანგარიშგება. დაგეგმილი და ფაქტობრივი შემოსავლებისა და ხარჯების შესაბამისობა

ბაფის აღმასრულებელი სტრუქტურის მიერ ყოველწლიურად მომზადებულ შემოსავლებისა და ხარჯების ასევე, საქმიანობის წლიური ფინანსური შედეგების (ფინანსური ანგარიშგება) პროექტებს განიხილავს და ამტკიცებს გამგეობა. საანგარიშო პერიოდის საქმიანობაზე და წლიურ ფინანსურ ანგარიშგებაზე ჩატარებულია აუდიტი და გაცემულია უპირობო დადებითი დასკვნა. დეტალური ინფორმაცია დაგეგმილი საქმიანობისა და წლიური ფინანსური ანგარიშგების შესახებ, მუხლობრივად და თანხობრივ პარამეტრებში, დამოუკიდებელი აუდიტორის (შპს „ინტელექტუალიტი“) დასკვნასთან ერთად, განთავსებულია ვებგვერდზე: baf.ge – „საქმიანობის ანგარიშები“.

სარევიზიო კომისიამ გააკეთა 2022 წლის დაგეგმილი და განხორციელებული საქმიანობის ზოგადი მიმოხილვა 9 თვიანი პერიოდზე. სადაც მნიშვნელოვანი ცდომილებები არ გამოვლინდა. კომისიის აზრით, 2022 წლის დაგეგმილი საქმიანობისა და ფაქტობრივი შესრულების მონაცემების შედარებით მიმოხილვა უპრიანია წლიური კონსოლიდირებული ფინანსური ანგარიშგების მომზადების შემდეგ.

წარმოგიდგინებთ ბაფის 2021 წლის შემოსავლებისა და ხარჯების დაგეგმილი და ფაქტიური შესრულების მონაცემებს

ბაფის 2021 წლის დაგეგმილი და ფაქტიური შემოსავლები და ხარჯები (ლარში)

	შემოსავლები	დაგეგმილი	ფაქტიური	გადახრა	კომენტარი
1	საწევრო შენატანებით მიღებული შემოსავლები	224 720	222 014	(2706)	
2	განათლებისა და სერტიფიცირების პროგრამებიდან	518 400	494 236	(24 164)	კომენტარი 1
3	სხვა შემოსავლები	163 100	186 533	23 433	კომენტარი 2
	სულ შემოსავლები	906 220	902 783	(3 437)	
	ხარჯები				
1	საწევრო შემოსავლებით დაფინანსებული ხარჯები	229 225	220 210	(9 015)	
2	განათლებასა და სერტიფიცირებასთან დაკავშირებული ხარჯები	508 943	551 169	42 226	კომენტარი 3
3.	სხვა შემოსავლებთან დაკავშირებული ხარჯები	165 282	204 069	38 788	კომენტარი 4
	სულ ხარჯები: *	903 450	975 449	71 999	
	მოგება/ზარალი	2770	(72 666)	75 436	

კომენტარი 1

შემოსავლების მე-2 მუხლის დაგეგმილთან შედარებით ფაქტიური შემოსავლების სხვაობა ძირითადად განპირობებულია პროფესიული სერტიფიცირების გამოცდაზე გამომსვლელი კანდიდატების შემცირებით.

კომენტარი 2

შემოსავლების მე-3 მუხლის ზრდა ძირითადად განპირობებულია საბუღალტრო კომპიუტერული პროგრამების რეალიზაციის ზრდით.

კომენტარი 3

ხარჯების მე- 3 მუხლის სხვაობა განპირობებულია გაზრდილი რეალიზებული წიგნების თვითღირებულებით.


კომენტარი 4.

ხარჯების მე-3 მუხლის ზრდა განპირობებულია გაზრდილი რეალიზებული საბუღალტრო პროგრამის ღირებულებით და იურიდიული მომსახურების ხარჯით.

სარევიზიო კომისიის წევრები:

1. მარიამ ჭურაძე (თავმჯდომარე)

2. ხათუნა ბარბაქაძე



3. მარიამ ბიწაძე

ანგარიშის მომზადების თარიღი:

16.12.2022 წელი